

## 二重國小～韻文小達人認證表(四)

年    班    座號：        姓名：

背誦範圍	家長、同學 認證簽名	老師、志工 認證簽名
1. 夜宿山寺 李白 危樓高百尺，手可摘星辰。不敢高聲語，恐驚天上人。		
2. 秋風引 劉禹錫 何處秋風至，蕭蕭送雁群。朝來入庭樹，孤客最先聞。		
3. 白鷺鷥 李白 白鷺下秋水，孤飛如墜霜。心閒且未去，獨立沙洲旁。		
4. 鳥 白居易 誰道群生性命微，一般骨肉一般皮。勸君莫打枝頭鳥，子在巢中望母歸。		
5. 梔子花詩 明 沈周 雪魄冰花涼氣清，曲欄深處艷精神。 一鉤新月風牽影，暗送嬌香入畫庭。		
6. 山行 杜牧 遠上寒山石徑斜，白雲深處有人家。停車坐愛楓林晚，霜葉紅於二月花。		
7. 何滿子 張祜 故國三千里，深宮二十年。一聲何滿子，雙淚落君前。		
8. 塞下曲 盧綸 驚翎金僕姑，燕尾繡螭弧；獨立揚新令，千營共一呼。		
9. 逢入京使 岑參 故園東望路漫漫，雙袖龍鍾淚不乾，馬上相逢無紙筆，憑君傳語報平安。		
10. 使君子花 宋 翁元廣 竹籬茅舍趁西斜，白白紅紅牆外花。 浪得佳名使君子，初無君子到君家。		
11. 赤壁 杜牧 折戟沈沙鐵未銷，自將磨洗認前朝。東風不與周郎便，銅雀春深鎖二喬。		
12. 行宮 元稹 寥落古行宮，宮花寂寞紅。白頭宮女在，閒坐說玄宗。		
13. 芙蓉樓送辛漸 王昌齡 寒雨連江夜入吳，平明送客楚山孤。洛陽親友如相問，一片冰心在玉壺。		
14. 贈孟浩然 李白 吾愛孟夫子，風流天下聞。紅顏棄軒冕，白首臥松雲。 醉月頻中聖，迷花不事君。高山安可仰，徒此挹清芬。		
15. 送孟浩然之廣陵 李白 故人西辭黃鶴樓，煙花三月下揚洲。孤帆遠影碧空盡，惟見長江天際流。		
16. 寒食 韓翃 春城無處不飛花，寒食東風御柳斜；日暮漢宮傳蠟燭，輕煙散入五侯家。		
17. 閨怨 王昌齡 閨中少婦不知愁，春日凝妝上翠樓；忽見陌頭楊柳色，悔教夫婿覓封侯。		

18. 秋夕 杜牧 銀燭秋光冷畫屏，輕羅小扇撲流螢。天階夜色涼如水，坐看牽牛織女星。		
19. 贈別 杜牧 多情卻似總無情，唯覺樽前笑不成。蠟燭有心還惜別，替人垂淚到天明。		
20. 夜雨寄北 李商隱 君問歸期未有期，巴山夜雨漲秋池。何當共剪西窗燭，卻話巴山夜雨時。		
21. 出塞 王昌齡 秦時明月漢時關，萬里長征人未還；但使龍城飛將在，不教胡馬渡陰山。		
22. 清平調 李白 雲想衣裳花想容，春風拂檻露花濃；若非群玉山頭見，會向瑤臺月下逢。		
23. 烏衣巷 劉禹錫 朱雀橋邊野草花，烏衣巷口夕陽斜；舊時王謝堂前燕，飛入尋常百姓家。		
24. 旅夜書懷 杜甫 細草微風岸，危檣獨夜舟。星垂平野闊，月湧大江流。 名豈文章著，官因老病休。飄飄何所似，天地一沙鷗。		
25. 月夜憶舍弟 杜甫 戍鼓斷人行，秋邊一雁聲。露從今夜白，月是故鄉明。 有弟皆分散，無家問死生。寄書長不達，況乃未休兵。		
26. 泊秦淮 杜牧 煙籠寒水月籠沙，夜泊秦淮近酒家。商女不知亡國恨，隔江猶唱後庭花。		
27. 登幽州臺歌 陳子昂 前不見古人，後不見來者；念天地之悠悠，獨愴然而涕下。		
28. 終南別業 王維 中歲頗好道，晚家南山陲。興來每獨往，勝事空自知。 行到水窮處，坐看雲起時。偶然值林叟，談笑無還期。		
29. 嫦娥 李商隱 雲母屏風燭影深，長河漸落曉星沉。嫦娥應悔偷靈藥，碧海青天夜夜心。		
30. 山居秋暝 王維 空山新雨後，天氣晚來秋；明月松間照，清泉石上流。 竹喧歸浣女，蓮動下漁舟。隨意春芳歇，王孫自可留。		
31. 錦瑟 李商隱 錦瑟無端五十弦，一弦一柱思華年。莊生曉夢迷蝴蝶，望帝春心託杜鵑。 滄海月明珠有淚，藍田日暖玉生煙。此情可待成追憶，只是當時已惘然。		
32. 後宮詞 白居易 淚濕羅巾夢不成，夜深前殿按歌聲。紅顏未老恩先斷，斜倚熏籠坐到明。		
33. 登岳陽樓 杜甫 昔聞洞庭水，今上岳陽樓。吳楚東南坼，乾坤日夜浮。 親朋無一字，老病有孤舟。戎馬關山北，憑軒涕泗流。		
34. 愛蓮說(一) 周敦頤 水陸草木之花，可愛者甚蕃。晉陶淵明獨愛菊；自李唐來，世人盛愛牡丹。		
35. 愛蓮說(二) 周敦頤 予獨愛蓮之出淤泥而不染，濯清漣而不妖，中通外直，不蔓不枝，香遠益清，亭亭淨植，可遠觀而不可褻玩焉。		
36. 愛蓮說(三) 周敦頤 予謂：菊，花之隱逸者也；牡丹，花之富貴者也；蓮，花之君子者也。 噫！菊之愛，陶後鮮有聞。蓮之愛，同予者何人？牡丹之愛，宜乎眾矣！		